

Årsmelding 2018

Møre og Romsdal Folkemusikklag

1. Om Møre og Romsdal Folkemusikklag

«§ 1. Føremål

Møre og Romsdal Folkemusikklag skal arbeide for å fremje interessa for folkemusikk og folkedans. Laget skal dyrke og ta vare på dei lokale tradisjonane i spel, vokal folkemusikk og dans.

§ 2. Lagsoppgåver

Fylkeslaget skal:

- Samordne arbeidet for folkemusikk og folkedans i samsvar med føremålet for organisasjonen,
- leggje tilhøva til rette for arbeidet i lokallaga
- medverke til å skippe nye lag - drive opplærings- og kursverksemd
- i samsvar med føremålet ivareta interessa andsynes fylkeskommunale styresmakter
- syte for at det vert skipa til fylkeskappleik kvart år
- drive innsamlingsarbeid og vere med i folkemusikkarkivets verksemd»

2. Medlemsskap

I følge vedtektene er alle spelemannslaga i fylket som er med i FolkOrg også medlemmar av fylkeslaget. Landsmøtet til FolkOrg bekrefte dette gjennom vedtak i 2017.

Medlemslag (FolkOrg/MRFL)

- Nordmøre Spelmannslag
- Romsdal Spelemannslag
- Rauma Spelmannslag
- Spelemannslaget Dâm og Drag
- Grendalaget
- Ungdomslaget Ivar Aasen
- Spelemannslaget Havella
- Valldal Spelemannslag
- Tressalaget
- Ålesund spelemannslag

Samla antal medlemmar i Møre og Romsdal Folkemusikklag per 31.12.2018 var 192.

Kontingent

Fylkeslaget har både lags- og personmedlemmar.

Lagskontingenten i 2018 har vore kr 600.

Medlemsskap vaksen kr 60 og medlemsskap born kr 30. Personkontingenten blir kravd inn av FolkOrg og refundert til område- og lokallaga.

3. Organisasjon

Styret

Leiar:	Hanne Moldver Salthammer – Sp. Dâm og Drag
Nestleiar:	Kine Iselilja Gyldenskog – Nordmøre Spelmannslag
Styremedlem:	Ola Vestavik - Spelemannslaget Havella Leikny Aasen - Ungdomslaget Ivar Aasen Bodil Tessem - Grendalaget
Vara:	Anna Liv Skjelten Gjendem - Folkemusikkarkivet Solveig Østmo - Grendalaget

Hanne Salthammer har vore laget sin skrivar og kasserar.

Leikny Aasen har vore rekneskapsførar.

Revisor: På grunn av krav om statsautorisert revisor har styret nytta firmaet Hovden & Vatne AS i Ørsta.

Styret har hatt tre møter og behandla 16 saker i 2018. Det var ingen møter hausten 2018, men leiar sendte ei orientering til styret før jul.

Årsmøtet

Årsmøtet vart halde i samband med fylkeskappleiken i Rauma, 8. april 2018. 7 medlemslag var representert i tillegg til styret. Valkomite vald av årsmøtet har vore Nina Byttingsmyr og Thea Marie Ytterdal

4. Samarbeid med folkemusikkarkivet for Møre og Romsdal

Styret

Hanne Salthammer har vore folkemusikklaget sin styrerepresentant i Folkemusikkarkivet for Møre og Romsdal i 2018. Ho har delteke på to styremøter for Folkemusikkarkivet og to møter vedr. overføringa av Folkemusikkarkivet til Stiftinga Sunnmøre Museum.

Sekretærstilling / Kjøp av tenester

Styret har sidan 2016 kjøpt av tenester frå Folkemusikkarkivet i Møre og Romsdal (FAMR). Ordninga er stadfesta via ei rammeavtale som signerast årleg. Oppgåvene som skal utførast er beskrive i styret sitt årshjul. Det er FAMR sin tilsette ressurs, Anna Gjendem som har utført arbeid på oppdrag av laget.

Fusjon

Folkemusikklaget har vore ein av fem stiftarar til Folkemusikkarkivet for Møre og Romsdal. FAMR vart vedteke fusjonert med Stiftinga Sunnmøre Museum (SSM) i 2017. Fusjonsprosessen har tatt lang tid, men prosessen er truleg i havn i løpet av 2019.

Folkemusikar-/folkedansarstillingar

Med midlar frå fylkeskulturavdelinga tilsette FAMR to folkemusikarar i 50% stilling sommaren 2018. Den utlyste folkedansarstillinga vart ikkje besatt grunna mangel på søkarar og arkivet valde å ansette to musikarar i staden. Thea Marie Ytterdal på fele og eldre folkemusikkinstrument, og Marius Berglund på trekkspel/torader. Desse to

har eit to års engasjement. Dei er tilsett direkte i SSM, men dagleg leiar i FAMR er deira overordna.

Samarbeidsmøte med ungdomslaga

FAMR inviterte til to samarbeidsmøter mellom folkemusikklaget og ungdomslaga (NUMØR). Hensikta med møta er å betre kommunikasjonen mellom spel- og danselag. På møta blir det m.a. informert om laga sine planer for arrangement og ein planlegg ulike samarbeidsprosjekt.

Raudan Gull

Våren 2018 søkte FAMR om midlar til ei serie på fire ungdomsprosjekt som vart kalla «Raudan Gull». «Raudan Gull» er ei vidareføring av eit prosjekt starta av Jorun Marie Kvernberg i 2016. Første ungdomssamling resulterte i festkonserten på fylkeskappleiken i Fosnavåg i 2017. Andre prosjekt vart ein konsert under Klangfestivalen i Fræna i 2018. Prosjekt nr tre vart gjennomført med helgesamling i november 2018 og konsert i Ørsta i januar 2019. Det fjerde prosjektet er planlagt med helgesamling og konsert i Stordal i januar 2020.

Prosjektet fekk midlar frå fleire aktørar, mellom anna Dextra Musica/FolkOrg og MR Fylkeskommune, MRFL og NUMØR. Prosjektet er også eit praksisk samarbeidsprosjekt mellom organisasjonane i Møre og Romsdal.



Foto: Deltakarane på «Raudan Gull»-samling nr 3, Hornindal 2.-3. november 2018

Arrangørmøte - Fylkeskappleiken

Møte med arrangør av fylkeskappleiken i Valldal i august 2018. Hanne og Anna deltok på vegne av MRFL. Thea Marie Ytterdal tok på seg hovudansvaret med kappleiken og har hatt tett dialog med Anna heile vegen.

Internett

Facebooksida «Folkemusikk i Møre og Romsdal» driftast av FAMR i samarbeid med MRFL. På sida samler ein informasjon om ulike arrangement og relevant informasjon som dei over 700 følgarane får med seg.

MRFL har også eigne heimesider som blir drifta av styret i samarbeid med FAMR

5. Samarbeid med FolkOrg Landsmøte FolkOrg

Dette arrangeres kun annakvart år, ikkje arrangert i 2018.

Områdelagsmøte

FolkOrg inviterte til fagdag for områdelaga i samband med FolkLarm 2018. Leikny deltok ma. på seminar om dansearrangement.

6. Arrangement

Kurs i Balkanmusikk

MRFL fikk hausten 2017 forespurnad av Arnt Inge Sæter i Molde om å vere medarrangør for eit kurs i Balkanmusikk med trekkspelaren Jovan Pavlovic, busett i Trondheim. Temaet for kurset skulle knytte balkansk og norsk folkemusikk saman. Tittel på kurset var «Balkanmusikk – på jakt etter norske røter». Styret gikk med på dette og kurset vart arrangert 24.-25. januar 2018 på Molde kulturskule. Mange av folkemusikklaget sine medlemmar var mellom dei 15 som deltok og stemninga var stor for å ha eit oppfølgingskurs til hausten. Ved neste styrebehandling bestemte styret derimot å ikkje vidareføre samarbeidet då det viste seg vanskeleg å oppnå støtte frå eksterna aktørar til kursa. Det første kurset vart sponsa av MRFL med om lag kr 10.000,-. Eit oppfølgingskurs vart arrangert privat av Arnt Inge i Molde i november 2018, men dette kurset hadde færre deltakarar enn første kurs.



Foto: Deltakarar på kurset «Balkanmusikk – På jakt etter norske røter». Jovan Pavlovic nummer fire framme frå venstre.

Fylkeskappleik

Fylkeskappleiken vart arrangert av Rauma spelmannslag helga 7.-8. april på Rauma kulturhus. Arrangementet varte over to dagar og det deltok omlag 160 aktørar. Rauma kulturhus er godt eigna til dette arrangementet med samanbygd hotell og kulturhus. Arrangøren samarbeida med Rauma leikarring om arrangementet og

begge aktører satt igjen med overskot, takka vere god prosjektstyring. Vel blåst av Rauma spelmanslag!



Foto: Alle dei unge deltakarane vart heidra på scenen under premieutdelinga

Tradisjonskurs

MRFL inviterte til Tradisjonskurs på Hordindal skule laurdag 3. november. Det var planlagt kurs i både spel, dans og vokal men påmeldinga tildesse kursa var svært lav. Mange potensielle deltakar deltok på ungdomssamlinga «Raudan Gull» som vart arrangert samtidig, same stad. At kurset på kort varsel måtte flytte frå Volda til Hornindal gjorde sikkert også sitt til at påmeldinga vart laper. Følgande 5-timerskurs vart derimot gjennomført:

Fele vidaregåande – Erlend Viken (6 deltakarar)

Fele nybegynnarar – Jan Beitohaugen Granlien (12 deltakarar)



Foto: Kurs i fele nybegynnar med Jan Beitohaugen Granlien 3. november. Deltakarar får Sp. Havella.

Sjokoladekapleik

Sjokoladekapleiken for 2017 vart gjennomført søndag 4. november Mork grendahus i Volda. Det var Ørsta- og Volda folkedanslag som stod som arrangør, men Anna Gjendem frå FAMR som gjorde det meste av arbeidet. Arrangementet vart vellukka og om lag 50 ungar deltok.



Foto: Deltakarar på Sjokoladekapleiken på Mork Grendahus 4. november

7. Vandrepremiar

Vinnarar av vandrepremiar

MRFL har etablert vandrepremiar for høgste poengsum innan dans, spel og vokal. Vandrepremien blir given vinnaren til odel og eige ved tredje napp i premien.

Følgande personar har napp i vandrepremien for:

- *Dans – Oval tretine* (etablert 2015 – utgått 2018)
2018: Anna Gjendem* og Heidi Iren Wedlog Olsen (*Vinnar av premien)
2017: Anna Gjendem og Nina Byttingsmyr
2016: Leikny Aasen og Vidar Underseth
2015: Anna Gjendem og Svein O. Smogeli/Leikny Aasen og Vidar Underseth
- *Spel – Maleri av Liv Kitch* (etablert 2018)
2018: Britt Elise Skram (Vinnar av premien)
- *Vokal – Rund tretine* (etablert 2016)
2018: Gro Kjelleberg Solli
2017: Ikkje utdelt
2016: Unni Boksasp

8. Utdelt økonomisk stønad

Styret i Møre og Romsdal folkemusikklag har gjeve økonomisk stønad i samband med følgjande aktivitetar i 2018:

- Arrangørstønad Fylkeskapleik: Kr 10000,- til Rauma Spelmannslag
- Arrangørstønad Sjokoladekapleik: Kr 10000,- til Ørsta- og Volda Folkedanslag.

- Publikasjonsstønad - Særsvip kr 3000,-
- Raudan Gull – kr 10.000,-

9. Tildelt økonomisk stønad

MRFL har i 2016 fått økonomisk stønad frå følgande aktørar:

- Møre og Romsdal fylkeskommune - Treårig driftstilskot på kr 100.000 for åra 2016, 2017 og 2018.
- Gåvemidlar frå Sparebanken Møre: kr 5000,- til Tradisjonskurs 2018.
- RFF: Kr 13.000 i prosjektmidlar for Tradisjonskurs 2018. Desse midlane vart ikkje utbetalt i 2018.
- KOMP: Kr 8000 i prosjektmidlar til Tradisjonskurs 2018. Desse midlane vart ikkje utbetalt i 2018.

Styret fekk i mars 2019 innvilga framleis driftsstønad på kr 100.000 per år frå MR fylkeskommune for åra 2019, 2020 og 2021. Styret stadfester difor at framleis drift er lagt til grunn ved utarbeidinga av årsmelding og årsrekneskapen for 2018.